

Կ Ա Ն Ո Ն Ա Գ Ի Ր Ծ Ր Ա Գ Ի Ր

ՍԵՐԱՍՏԻՈՅ ՎԵՐԱՇԻՆՈՒԹԵԱՆ
ՄԻՈՒԹԵԱՆ

1929 – 1930



Հիմնում 1919-իմ եւ

վաւերացում Միացեալ Նահանգներու

Կառավարութեամ կողմէ մոյմ տարիմ:



ՆԻԻ ՆՈՐՔ

1929

362


Ս-33

362

U-338

8

1 MAR 2010



Ս. Նշանի վանքը

ԿԱՆՈՆԱԳԻՐ – ԾՐԱԳԻՐ

ԱՆՈՒՆ

Միութեան անունն է ՍԵՐԱՍՏԻՈՅ ՎԵՐԱՇԻՆՈՒ-
ԹԵԱՆ ՄԻՈՒԹԻՒՆ:

ՆՊԱՏԱԿ

1. — Հայաստանի մէջ Նոր Սերաստիա մը հիմնել:
2. — Սերաստացիներու կրթական, բարոյական եւ նիւթական բարելաւման ստատարել, հայթայթելով բոլոր միջոցները, որոնցմով կարելի կ'ըլլայ զիրենք ինքնապահ դարձնել:

ԳՈՐԾՈՒՆԵՌՈՒԹԻՒՆՆԵՐ

1. — Բարոյական եւ նիւթական անմիջական օգնութիւն հասցնել «Սերաստիայէն» տարածարուած թէ



29 JUL 2013

Սերաստիոյ մէջ գտնուած կարօտ Հայերուն՝ մարմիններու միջոցաւ:

2.— Տարագրուած Սերաստացիները յարմար միջավայրերու մէջ հաւաքել, եթէ իրենց ներկայ բնակավայրերը ապահով չեն:

3.— Երբ միջոցները կը ներեն Սերաստիոյ մէջ վերականգնել Սերաստիոյ բարեսիրական հաստատութիւնները (հիւանդանոց, դպրոց եւ որբանոց), հիմնել արհեստանոցներ չքաւորներու օգնելու համար:

4.— Սերաստիոյ Վերաչ. Միութեան Կեդր. Վարչութիւնը եւ կամ Մասնաճիւղերու Վարչութիւնները որեւէ կուսակցական բնոյթ կրող ձեռնարկներու, պաշտօնապէս, պէտք չէ մասնակցին:

ԵԿԱՄՈՒՏ

Միութեանս եկամուտը պիտի կազմեն 1) Անդամավճարները, 2) Հանդանակութիւններ, 3) Նուէրներ, 4) Այս նպատակին համար սարքուած հանդէսներ, 5) Արհեստանոցներու արտադրութիւններէն գոյացած հասոյթները եւայլն:

ԱՆԴԱՄԱԿՑՈՒԹԻՒՆ

1.— Ամէն «Սերաստացի» կրնայ անդամակցիլ, եթէ կ'ընդունի Միութեան կանոնադրի:

2.— Որեւէ անհատ կրնայ պատուոյ անդամ դառնալ առնուազն 50 տոլար վճարելով, առանց քուէատու եւ քուէառու ըլլալու:

3.— Այն անդամները, որոնք 18 տարին լրացուցած են, կրնան քուէ տալ եւ ստանալ:

4.— Ամերիկայի շրջանին մէջ իւրաքանչիւր անդամ պարտի վճարել ամսական 25 սէնթ, տիկնանց մասնաճիւղի անդամները պարտին վճարել ամիսը 10 սէնթ: Իսկ արտասահմանի մէջ, տեղին մասնաճիւղին որոշման համեմատ:

5.— Քուէ առնելու եւ տալու իրաւունքն ունին այն անդամները, որոնք Միութեանս անդամակցած են օրինաւորապէս, քուէարկութենէն առնուազն երեք ամիս առաջ:

6.— Այն անդամը, որ մինչեւ մէկ տարի առանց բանաւոր պատճառի չի վճարեր իր անդամատուրքը, եւ իր բարոյական պարտաւորութիւնները եւս չի կատարեր, կը զրկուի քուէ տալու եւ առնելու իրաւունքէն, եւ եթէ իրեն անդամատուրքի համար եղած դիմումները անպատասխան թողու մինչեւ երկու տարի, յիշեալի առումը անդամոց ցանկէն կը ձգուի:

ՄԱՍՆԱՃԻՒԳՆԵՐ

1.— Որեւէ քաղաքի կամ գիւղաքաղաքի մէջ, ուր առնուազն հինգ կամ աւելի Սերաստացիներ կան, միասին գալով, Կեդրոնական Վարչութեան վաւերացումով, կրնան մասնաճիւղ մը կազմել:

2.— Տիկիւններ կրնան զատ մասնաճիւղ կազմել, առանց մասնաճիւղներու աջակցութեամբ եւ Կեդրոնական Վարչութեան վաւերացումով:

3.— Անդամական ժողովները օրինական պիտի համարուին երբ քուէատու անդամներու մէկ վեցերորդը եւ առնուազն 4 անդամ ներկայ ըլլան:

4. — Մասնաճիւղեր իրենց հասոյթի մէկ մասը տեղական անհրաժեշտ պէտքերու յատկացնելէ վերջ մնացածը պարտաւոր են Կեդրոն ղրկել:

5. — Ամէն մասնաճիւղ պարտի իր վեցամսեայ տեղեկագիրը եւ հաշուեկշիռը իր հասոյթին հետ, Կեդրոնական Վարչութեան ղրկել:

6. — Մասնաճիւղեր պարտին իրենց բացառիկ հասոյթները (հանդէսներէ, պարահանդէսներէ, դաշտային հանդէսներէ դոյացած դուտ շահերը, դրամական նուէրները, հանգանակութիւններու եւ վիճակահանութիւններու եւայլն այդ կարգի հասոյթներ), նոյնութեամբ եւ կարելի եղածին չափ շուտով, Կեդրոն փոխադրել:

7. — Մասնաճիւղեր լուծուած կը համարուին երբ անդամներու թիւը հինգէն կը նուաղի: Այդ պարագային մնացած անդամները պարտին իրենց քով գտնուած դրամը, գոյքը, եւայլն, յանձնել Կեդր. Վարչութեան եւ իրենք կրնան դրացի մասնաճիւղին անդամակցիլ:

8. — Մասնաճիւղեր պէտք է իրենց բացառիկ կամ հանրային ձեռնարկները Կեդրոնական Վարչութեան հետ խորհրդակցաբար ընեն:

9. — Մասնաճիւղերու վարչութիւնը կը բաղկանայ ընդհանուր ժողովներու մէջ ընտրուած 3-էն 7 անձերէ, որոնք կ'ընտրեն իրենց ղեկանը: Պաշտօնավարութեան շրջանը մէկ տարի է եւ պաշտօնեաները վերընտրելի են:

10. — Վարչութեան պարտականութիւնն է կանոնագրի տրամադրութիւնները գործնականացնել եւ մաս-

նաճիւղի գործերը վարել, թղթակցութիւններ կատարել Կեդրոնի հետ, եւայլն:

ա) Վարչութեան Ատենապետի պաշտօնն է ստորագրել պաշտօնական գրութիւնները Ատենադպրին հետ:

բ) Ատենադպրին պաշտօնն է անդամական եւ վարչական ժողովներու արձանագրութիւնները կազմել ու սկսել, թղթակցութիւններ կատարել, եւ ստորագրել պաշտօնական գրութիւնները Ատենապետին հետ:

գ) Գանձապահին պաշտօնն է դանձուած անդամատուրքերու փոխարէն ստացագիր տալ, դրամական գործառնութիւններու հսկել, մասնաճիւղի ծախքերը հողալ եւ մասնաճիւղի ելեւմուտքի տոմարին մէջ մաքուր կերպով արձանագրել:

11. — Իւրաքանչիւր վարչութիւն իր տարեշրջանը լրանալուն պարտական է իր տեղեկագիրը ներկայացնել անդամական ժողովին:

12. — Իւրաքանչիւր մասնաճիւղ պարտական է առնուադն երեք ամիսը անգամ մը անդամական ժողով գումարել:

13. — Մասնաճիւղերու տարեշրջանը կ'սկսի Փետր. 1իմ եւ կը վերջանայ Յունուար 31ին: Տարեդիտու հաշուեկշիռները՝ վճարող անդամներու ցանկին հետ, պէտք է Կեդրոն ղրկուին՝ առ առաւելն մինչեւ Մարտ 15:

14. — Մասնաճիւղեր իրաւունք չունին միութեան դանձէն որեւէ ծախք ընել անհատական յարգանքներու համար:

15. — Երբ մասնաճիւղի մը մեծութեան պատճառով, անդամատուրքերու դանձումի համար, դանձա-

պահի պաշտօնը կը ծանրաբեռնուի, մասնաւոր հաւաքել մը կը նշանակուի յարմար վարձագնով:

16.— Մասնաճիւղերը քոյր մասնաճիւղերու հետ ուղղակի յարաբերութեան մէջ մտնելու չեն, Միութեան Կեդրոնական Վարչութեան վերաբերեալ դործերու շուրջ, բացի ստիպողական պարագաներէ, որոնց միջոցին, Կեդրոնական Վարչութեան իմացնելու են հարցը եւ չարժաուիթը:

ԿԵԴՐՈՆԱԿԱՆ ՎԱՐՉՈՒԹԻՒՆ

1.— Կեդր. Վարչութիւնը կ'ընտրուի դադտնի քուէով եւ Պատգմ. Ժողովէն, կը բաղկանայ ինը անդամներէ՝ որոնք կ'ընտրեն իրենց գիւանը, եւ վերընտրելի են:

2.— Կեդրոնական Վարչութեան անդամներու պաշտօնավարութեան շրջանը մէկ տարի է եւ վերընտրելի են:

3.— Կեդրոնական Վարչութիւնը իր տարեշրջանը լրանալէ, առնուազն ամիս մը առաջ, պարտաւոր է հրաւիրել Պատգամաւորական Ժողովի բոլոր մասնաճիւղերը. հակառակ պարագային, երեք մասնաճիւղեր, Կեդր. Վարչութեան դիմում ընելէ ետք իրաւունք կ'ունենան հնդհ. Պատգամաւորական Ժողով կանչելու:

4.— Կեդրոնական Վարչութիւնը պարտաւոր է իր տարեկան տեղեկագրութիւնը եւ հաշիւները տալ Պատգամաւորական Ժողովին:

5.— Կեդրոնական Վարչութիւնը կը վարէ Միութեան գիւանական եւ հաշուական բոլոր գործառնութիւնները, եւ պատասխանատու է, թէ՛ անհատապէս

եւ թէ՛ հաւաքաբար իր բոլոր ձեռնարկներուն ու դործունէութիւններուն մէջ, Պատգմ. Ժողովին:

6.— Կեդրոնական Վարչութեան հրաժարող անդամներուն տեղը դրաւելու համար, կը կանչուին յաջորդ առաւելագոյն քուէ ստացողները ըստ կարգի:

7.— Կեդրոնական Վարչութեան անդամ մը նոյն ատեն չկրնար մասնաճիւղի վարչութեան անդամ ըլլալ:

8.— Կեդրոնական Վարչութիւնը հաւաքաբար, մէկ քուէով, կրնայ մասնակցիլ պատգամաւորական Ժողովին, իր իրաւունքը յանձնելով իր անդամներէն մէկին. եւ Կեդրոնական Վարչութեան միւս անդամները՝ ներկայ կը գտնուին պատգամաւորական Ժողովին ու կը մասնակցին վիճաբանութիւններուն իբր խորհրդատու:

9.— Դրամատունէն որեւէ դումար հանելու համար վճարագիրը (չէֆ) պէտք է ստորագրուած ըլլայ Ատենապետին ու Գանձապահին կողմէ:

10.— Կեդրոնական Վարչութեան Կեդրոնատեղին Պատգամաւորական Ժողովէն կ'որոշուի:

11.— Մասնաճիւղեր իրենց յարմար տեսած պարագային, Կեդրոնական Վարչութեան լուր տալէ վերջ, կրնան մէկը զրկել Կեդրոնական Վարչութեան Ժողովին ներկայ ըլլալու եւ տեղեկութիւններ առնելու:

12.— Միութեանս գործատունները կը վարուին Կեդրոնական Վարչութեան կողմէ:

13.— Վերաշինական Միութեան ձեռքին տակ գրտնուած շարժուն եւ անշարժ կալուածները (քէմք, եւն., եւն.) Միութեանս Կեդրոնական Վարչութեան կողմէ կը ղեկավարուին:

ՊԱՏԳԱՄԱՌՈՐԱԿԱՆ ԺՈՂՈՎ

1.— Պատգամաւորական Ժողովը պիտի գումարուի տարին անգամ մը, Մայիս ամսոյ մէջ: Իսկ երբ Կեդրոնական Վարչութիւնը հարկ տեսնէ, կրնայ արտակարգ Պատգամաւորական Ժողով գումարել մասնաճիւղերուն լուր տալէ երկու շաբաթ վերջ:

2.— Ամէն պատգամաւոր միայն մէկ ձայն կրնայ ներկայացնել: Մասնաճիւղեր միայն իրաւունք ունին իրենց պատգամաւորը ընտրելու, եւ անդամներ միայն կրնան պատգամաւոր ընտրուիլ:

3.— Իւրաքանչիւր մասնաճիւղ իրաւունք ունի իր քուէատու անդամներու թիւին համեմատութեամբ, պատգամաւորներ զրկելու Պատգամաւորական Ժողովին: Հինգէն յիսուն անգամ ունեցող մասնաճիւղեր մէկ պատգամաւոր միայն կրնան ունենալ: Յիսուն եւ մէկէն հարիւր՝ երկու պատգամաւոր, եւ այսպէս մէկ պատգամաւոր իւրաքանչիւր յիսուն անգամի համար:

4.— Մասնաճիւղերու գանձէն կը հոգացուի պատգամաւորներու միայն ճանապարհածախսը:

ՎԵՐՁԱՐԱՆ

1.— Այս կանոնադրի յօդուածները կրնան փոփոխութեան ենթարկուիլ միայն Պատգամաւորական Ժողովին կողմէ:

2.— Երբ Սերաստիոյ Վերաշինութեան Միութիւնը լուծուի, անոր բոլոր գրամներն ու գոյքերը պիտի զբոսնեն Ամերիկայի մէջ գոյութիւն ունեցող ամենահեղինակաւոր Սերաստացիական Նշանաւորմատոյց Ընկերութեան:

Մայիս 26, 1929

ՀՀ Ազգային գրադարան



NL0212659

43. 331